

四庫全書

集部

欽定四庫全書

伐檀齋集卷八

明 張元凱 撰

七言律詩

長安春望二首

芝房桂殿暮氤氲
霄漢歸來鵷鷺羣
月出脩眉懸碧樹
露擎高掌拂朱雲
宮鶯入柳飛難見
廐馬迷花嘶不聞
盡說宸遊多睿藻
遠臣唯有誦橫汾

幽燕今是漢西京宮闕參差入太清紫禁銅龍閣夕照
綠楊緹騎散春明繁花總異人間色衆樂能傳天上聲
盛世有謠同擊壤可知無筑和荆卿

西山二首

離宮曾是擬甘泉洞壑逶迤複道連雲暖翠微春駐輦
月明清梵夜迎仙桑乾斜帶秦陂樹碣石遙分華嶽蓮
匹馬鳳城歸路遠樂遊原上望晴烟

巖廊山閣總凌空一望蓬萊積翠中此地布金居帝釋

他時憑玉從臣工尋源引瀑通靈沼剪彩飛花散紫宮
自辛鵬冠栖郡國卷阿千載識詞雄

西苑二首

春晴壺嶠紫城隅掖路雲深柳萬株綺閣跨池因漢鑿
花宮疊石總秦驅峰為翠鳳翔華蓋樹作蒼龍護蕊珠
豈是君王遊豫處幽風無逸殿中圖

曲房宣室自逶迤聖主中宵正受釐湛露曉凝千片玉
甘泉春長九莖芝鳥栖御宿啼偏早花近朝陽落故遲

自識萬機宵旰切望仙臺下草離離

韋氏園林

韋曲曾聞動彩毫名園依舊傍林臯
燕驚花落飛難定魚觸萍開躍自高
楚客停觴看屬玉燕姬牽袂摘含桃
亦知洵美非吾土腸斷吳閭醉濁醪

元夕燈讌

公子留賓錦作筵却憐歡賞動韶年
瓊枝照夜無雙豔璧月臨春第一圓
幕裏仙姝憐紫玉座中詞客重青蓮

醉歸不問金吾禁魚鑰天明恰已傳

潞河二首

黃金定鼎古燕臺紫氣昭回接上台弱柳繁花三輔合
麗雲遲日九重開殊方照夜明珠入重譯經年雪雉來
輦下何須橫槩賦侍臣不少建安才

潞河花木總榮芬錦纜牙檣映水濱皇澤此中涵似海
帝城自外望如雲金堤夜發監河使紫塞春歸鎮朔軍
獨愧遠臣猶逆旅悲歌擊楫不堪聞

塞上二首

新捷天驕並策勳未央先遣羽書聞降時瀚海初生月
戰後陰山盡障雲過雁遠逢蘇屬國射鵬難避李將軍
漢宮近有蒲萄架再見桃林散馬羣

霍家初拜冠軍侯雀弁胡纓繡臂鞬首宿總肥調宛馬
鷗鶻新淬出吳鉤月明青海無傳箭霜冷黃榆乍賜裘
姓字不將麟閣貯丈夫空作玉關遊

閨怨二首

遙山極浦莽蒼烟萬里何由寄錦箋
化石未成心尚在
為雲不返夢猶牽
鴛鴦豈宿飛狐塞
菡萏難開飲馬泉
縱是封侯消息近
春殘花老各潛然

膏沐無光粉黛殘
况聞車騎過邯鄲
關門百二重重恨
鴈足冰霜字字寒
隴水角聲風外聽
天山弓影月中看
深閨不識金微塞
玉笛空吹行路難

申太史席上漫呈

集賢邸第元如水
夾道槐陰已染沙
携出爐香分殿霧

折來花朵帶宮霞西清奏瑟南薰散東閣開樽北斗斜
最是情深桑梓客酒酣猶自問宣麻

黎戶部携具寺寓

每依初地借初筵剝棗烹葵代擊鮮一片碧城雙樹外
數椽朱閣百花前西山爽氣秋逾逼北海清尊夜共傳
豈是佛香難供客也知郎署久逃禪

夜飲

高樓絲竹動春城卜夜金卮喜再傾客子短衣俱楚製

女郎高髻半秦聲
席移明月拋殘燭
屏挾輕雲護落英
不是故歡留達旦
忍教巫峽夢難成

春郊

青門不種故侯瓜
但着青袍玩歲華
郭外啼鶯芳草路
水邊高柳麗人家
布衣十日平原飲
彩筆三春上苑花
白傅一生空放達
悔將清淚濕琵琶

索居

自憐多病強加餐
里巷浮沉罷據鞍
懷舊十年蓬鬢改

傷春三月落花寒
志酬投筆元非易
事到持杯便不難
敢謂閉門深避世
亦知門外有波瀾

送客

澹烟輕霧弄朝暉
黃綬翩翩白馬肥
芳草綠時秦地別
亂山青處楚人歸
官如梅福藏門卒
路入桐江識釣磯
異國正須同調客
離樽愁見片帆飛

湖上

自笑吾生未有涯
乾坤莽莽只浮槎
看山不厭聞啼鳥

對酒何須問落花
叢菊籬邊元亮宅
木蘭舟裏子皮家
孤蘆自狎漁樵伴
一曲清溪是若耶

訪友

水國春深長綠蒲
傍花徑集飛鳬落
英似待迴風起
細雨纔侵返照無
下榻一樽留孺子
閉門三月著潛夫
跼蹐北望浮雲合
晚歲扁舟自五湖

寺居

借住空門出世心
蕭然一室對虛岑
疎松挂瀑時凭几

涼月披衣獨抱琴
鳥跡沒階黃葉亂
鐘聲過水白雲深
亦知五嶽緣猶在
清夜分明夢向禽

田舍

老去為農谷口田
五湖烟雨正茫然
于飛柳下振振鷺
欲墮波間跼跼鳶
試聽滄浪纔和曲
再觀秋水就名篇
青山不厭頻來往
耐可張融只住船

武陵江都尉過訪

江淹繫馬帝城邊
楊柳如絲盡暮烟
從事步兵為日久

量移搜粟感恩偏月明寒缺逢燕市花落春潮上越船
莫以壯年消渴甚漫隨人去飲貪泉

喜吳生除光祿丞

綠綬仙郎白馬生每過東省入西清親裁黃絹將罌進
密傍朱旗引膳行漫托聖朝須縱酒何知薄宦亦調羹
由來作吏能兼隱豈厭時過阮步兵

與陳生

繡甲雕弧走塞垣翩翩策馬獵平原陰符一匣藏黃石

金史四庫全書
卷八
雄劍三軍試白猿敢負陳卿今日酒寧忘劇孟向時言
偏裨涕淚功難建常在行間說感恩

訪賈尉

相見毋煩問姓名下堂睥睨縵胡纓何來方外狂司馬
可是江東老步兵意氣獨傾生素霓悲歌不盡脫青萍
單車欲覓夸門監落葉秋風出楚城

贈翟生

六郡遨遊二十春千金汨沒五陵塵徹侯爭致嚴夫子

中貴偏尋郭舍人
躍馬大堤回玉勒
呼盧小苑吐朱茵
長安行樂曾無負
故國何時一問津

飲越客

結客長安春暮時
掖垣楊柳盡垂絲
黃金無意歸原涉
綠酒多情約魏其
月下藩車聊把臂
花間綬騎自揚眉
不知燕市悲歌態
共唱吳歎倒接離

晏起偶成二首

晏起山窓漱石泉
風花片片蝶娟娟
鴟夷有腹容吾醉

金定巳后八三言
卷八
匏繫無心取世憐
揚子為貧猶執戟
張平非老欲歸田
杖頭莫訝空携去
耐可春衣典百錢

不盡楊花吹暮春
芳醅初熟未全貧
柴門乳燕窺書卷
細雨清溪濕釣綸
八駿骨存空倚市
五羊皮棄不干人
幽蘭薜荔將誰種
擬卜青山處士鄰

城南宴集

令節芳筵江上開
春風澹蕩入樓臺
大堤騎馬山公去
東閣觀梅水部來
舞袖須留明燭照
酒杯寧待落花催

主人誇有閒居賦不倩凌雲蜀客裁

湖上獨酌

柳條黯黯暮陰垂不盡飛花過水湄
駒影似憐人世促鳥言如慙酒杯遲
已甘常服唯荷葉若問奚冠是竹皮
失路未須嗟獨往滄洲元與白鷗期

贈淮南沈孟

遊梁入洛久浮萍十載間關住楚城
室裏蓬蒿秋自長牀頭蟋蟀夜偏鳴
家貧次骨今原憲時事留心一賈生

日暮樵蘇猶未爨起看山月照人明

贈陽山顧願

吳市花深醉濁醪樽前攜手解絳袍青山宅在無三畝
白雪歌成有二毛肝膽未傾劉越石夢魂先逐鄭櫻桃
江干更赴琵琶約楊柳春風繫小舸

逢客二首

青山同是負明時留滯唯耽酒一卮鏡裏落花長歎息
曲中楊柳劇相思亦知楚國人皆醉敢謂王家掾不癡

裘馬秣今凋敝盡豈堪重見五陵兒

醉裏春風思轉狂相逢屈指少年場
當壚若肯留司馬投匭由他謗樂羊
玄草誤人成皓首青袍玩世一空囊
長安三月花如錦曾記連鑣共采芳

酬黎戶部見贈

嶺南才子髯如霜忽贈新詩比夜光
供奉昔曾淹李白度支今復滯馮唐
鳳毛散落臨池彩雞舌含餘入座香
愧我燕然無計勒可堪執御老詞場

逢張叅伯辱贈漫答

微官羞比執金吾，澤畔逢迎楚大夫。
臘盡郊原多氣色，春回鳬雁滿江湖。
歌皆成雪初傳郢客自為星，乍照吳
傾蓋不須通姓字，高陽今古是吾徒。

朱總軍自閩海歸慰之

十年多難一身存，攬盡貂裘夜不溫。
帶索尚堪吟楚澤，挾符那許過夷門。
音書北闕更新主，涕淚南冠感舊恩。
結髮匈奴成白首，至今勲業鏡中論。

同胡侍御飲王生齋中

黃鳥嚶嚶過水濱柴門猶是杏花新
布衣不識乘軒貴
驄馬能諳陋巷貧
欲就青山迎謝眺
須留綠酒遲陳遵
春宵星月輝輝動
醉舞狂歌自主賓

元夕奉同吳興潘中丞上蔡張參伯集鑒止堂

玉律韶年夜可憐
金樽彩袖各爭妍
羣公總是陽春調
處士能開玳瑁筵
戀棟春星同客聚
窺簾明月向人圓
清歌按出俱新譜
應是周郎意已傳

崑山逢長興徐憲副同王太僕伯仲飲仲蔚宅

仲蔚蓬蒿日閉關解衣散帙共忘還避人猿鶴林中徑
供客芙蓉縣裏山綵筆中原飛白雪青樽東海照朱顏
詞臣總未歸金馬一一相逢吳楚間

上海訪朱邦憲

潮回日落暮雲平樹色蒼蒼浦上城北海草堂多結駟
東鄰花縣遲流鶯諾如季布元無負飲到公榮自有情
莫道朱家純任俠文章能冠魯諸生

濠上逢潘孟喬

河陽公子建安才
柳色吳閶共舉杯
李郭如仙舟並倚
淵雲成錦賦親裁
青蛾細雨樽前濕
紅杏春風江上開
知己未忘推轂意
昨宵淮府一書來

送張參伯歸上蔡

東風消雪滿征途
惜別臨岐酒一壺
帆挂大河山月曉
夢回芳草客星孤
清時豈厄劉中尉
聖世偏容屈左徒
早晚徵書應入洛
桃花時節起家無

送汪子建之宣城

聞君書劍慣長征，離緒何當一羽輕。
太史著成游俠傳，少年投贈麗人行。
啼鶯津路垂楊合，細雨江帆春草生。
無恙敬亭山在郡，送君因憶謝宣城。

奉送鍾陽大司徒還朝二首

旌旄拂曙過江津，淮海蒼生望後塵。
少府于今禪國計，司徒端為教人倫。
白頭自戀垂衣主，紫禁偏思曳履臣。
最是東南多菜色，敢勞天上借陽春。

漕府樓船錦纜浮
璽書重召漢蕭侯
金隄盛夏飛芻擁
玉節芳春露冕遊
八座雲霄元北極
兩朝舟楫自中流
諸胥總是材官護
國士誰堪幕下收

戲簡幼元

處無善策出無才
待罪行間事事乖
犢鼻着來堪滌器
魚腸脫却與椎埋
殢人春色真如酒
悅世禽言總是俳
試問首陽甘餓者
何如金馬漫詆諧

與僧真弘

金定四庫全書
卷八
游方之外久離羣海上仙山若可分支遁寒暄許玄度
湯休卧起鮑參軍厭隨乞食排朱戶每共乘杯弄紫雲
欲了無生何處是天台松月白紛紛

玄墓山看梅和友人作

芬芳秀色若可餐正月梅花開未殘萬樹俱含蘭氣郁
千崖欲動珠光寒春風披拂白雲上明月常抱青林端
深入山家疑積雪閉門猶恐驚袁安

鄧尉山食楊梅似顧願

楊家果熟白日長錦林迴合雲俱香火齊圓珠滿蒼島
翡翠異鳥銜夕陽海外蒲萄遠莫致嶺南荔枝誰能將
故園提筐但飽食酒後耳熱歌滄浪

過岳隱君宅

溪上柴門晝不開白雲深處有高臺山家細雨啼黃鳥
竹嶼流泉散紫苔綺里不曾歸漢去桃源猶是避秦來
乾坤丘壑能容我何日兔裘共草萊

吳江舟中

五湖芳草愧飄蓬不斷青山入越中窮轍不堪淹阮籍
扁舟今已住張融月懸津樹孤城閉潮落桃花一水通
莫笑漁郎亡所遇朱顏猶可對春風

借住山寺詩八首

虎丘

吳閭何地布黃金海湧峯頭綺殿臨多寶散光搖劒壑
衆香和梵出旃林笙歌總入聲聞道花月終歸止觀心
共指點頭巖下石無生曾悟去來今

天池

信宿精藍未擬還坐臨流水聽潺湲峯蓮倒映仙人掌
沼鏡寒浮玉女鬟不盡白雲生遠岫最深綠竹隱禪關
古來去住元無着莫笑巢由未買山

靈巖

巖廊洞室幾經春梵剎離宮總劫塵宿草自荒麋鹿徑
空山曾識苧蘿人千花搖落存孤塔雙樹婆娑少四鄰
縱是五湖堪一葦烟波何日出迷津

寒山

楓葉頻花江上村前朝古寺至今存
西山爽氣來精舍
萬里關河到寺門
檀越隨僧開寶藏
醍醐客客借匏尊
中宵禮罷寒山子
却聽鐘聲醒夢魂

楞伽

竹房松塢散新晴
隔水明霞儼赤城
破衲霜前臨牖補
殘經月下遶池行
雲流片石元無礙
鳥宿疎林自不驚
何事許詢常借住
愛山支遁最多情

文殊

落木空山秋夜哀蕭條古寺倚層臺
明河尚抱虛檐宿海日先窺絕壁來
花為行香晨已散門因施食午方開
跣趺懶下維摩榻野鹿相依卧草萊

玄墓

禪栖一室五湖東翠巘丹梯覽未窮
忽起松濤聲自遠不飛花雨境皆空
暮山浮出雲霞外春水流回島嶼中
寂寞嗣宗雙眼色憑高聊以送歸鴻

堯峯

上方鐘磬白雲深
禪徑還從鳥外尋
湖面衆山浮碧玉
峯頭尺地布黃金
畏人合住無人境
混世偏存出世心
不是向平猶有累
豈堪重下最高岑

越遊詩十四首

徐閩帥邀遊南屏諸山

越王臺下鳥嚶嚶
都護朱旛出錦城
一入桃花難辨馬
每依楊柳便爲營
漫酬綠酒投壺興
不盡青山緩帶情

笳鼓豈應飛捷奏春遊亦可頌昇平

同郡張參伯招飲省齋

坐擁熊轡已賜緋省齋猶着遂初衣昔時卿月懸青瑣
今日王春散紫微吏隱清尊消案牘訟閒好鳥報芳菲
材官自爾成疎慢入幕應慚國士非

吳杭州招同黎閩帥集城西公署

結駟乘春小隊斜朱衣同拂赤城霞行營十里新栽柳
屬邑千門舊種花鳳箏亂飛青玉案虎符高卧白雲衙

海波息處銷兵後
治行吳公孰可加

唐觀察招飲洪尚書園亭

名園樓閣散春晴
飛蓋初停黃鳥鳴
疊石為山開綠野
鑿池引水接滄瀛
露花靚女臨妝色
風籜尚書曳履聲
獨訝主人渾不見
翻令過客易含情

西湖卽事二首

十里長堤柳色新
六橋凝碧水潾潾
桃花似妒青樓女
楊柳如思白舍人
鶯語風前猶自澁
山容雨後尚含顰

武陵舊日通來往不向漁郎數問津

錢塘蘇小茜羅衣短棹穿花過釣磯望帝聲中怨離別
夢兒亭下惜芳菲微風吹藻鱗鱗浪落日銜山樹樹暉
最是碧雲隨處合美人乘興夜忘歸

紫陽庵

如何城市有仙家洞壑玲瓏石磴斜松檜翠流衣盡濕
芙蓉紫散屐生霞令威蛻骨真成鶴曼倩蟠桃又着花
清夜下方栖使者洞簫聽徹寂無譁

北高峯

招提與客共探奇
蔓草垂蘿手自披
千尺懸崖天欲近
一杯滄海世堪遺
振衣片片青雲落
策杖冥冥黃鵠隨
莫向江山觀幻泡
望中吳越幾推移

九里松

長松九里鬱葱哉
偃蓋蟠空接上台
不盡五株封泰岱
却從三竺問徂徠
壑藏風雨龍鱗老
濤挾雲霄鳳吹哀
竹箭江南良足美
那知此有棟梁材

玉泉寺觀魚

深林三月亂啼鶯寂寞龍宮一沼平
花落錦鱗霞片片鑒空潭水玉英英
齋分法食非貪餌池對禪關是放生
豈為望淵終有羨竭來濠上已忘情

飛來峯

何來萬玉碧氤氲登陟曾探石室文
古洞玲瓏通日月虛巖窈窕護風雲
行空豈受秦人策幻住元從淨土分
只恐靈山復飛去真如那肯近聲聞

金瓶梅詞話卷八
藕花居

浮槎何必訪蓬萊
太乙舟前綠玉臺
天上散花雙女侍
水邊顧影六郎來
碧筒漫倚澄波摘
白羽還將明月開
蓮社暫依心不染
行藏未許海鷗猜

伍行人廟

英風蕭瑟廟荒蕪
千古還嗟烈士夫
市上吹簫頻賽社
祠邊種梓任樵蘇
不勞五戰曾空郢
猶剩孤魂看破吳
潮汐至今排雪浪
素車白馬怒號無

岳王廟

古墓前朝獨有名忠魂曾受璽書旌
功高主意疑韓信運厄天心忌孔明
南渡江山數行淚北轅戎馬幾空城
草間酹罷殘碑濕腸斷黃龍痛飲情

伐檀齋集卷八

欽定四庫全書

伐檀齋集卷九

明 張元凱 撰

七言律詩

迎春日雪

考鐘伐鼓九衢譁少皞迎回玉作車
彩仗繽紛承羽蓋青旛繚繞綴瑤華
條風變柳千門絮淑氣吹梅萬樹花
甲第稍聞歌吹動陽春白雪曲中誇

歲首得故人書却報

卧病經時歲已遷故人長缺尚風烟江梅消息春前得
朔鴈音書雪後傳四壁不堪重減產二毛何可又增年
相思無奈芳醅熟猶阻東鄰甕底眠

人日逢客

客星乍向草堂明人日相逢倍有情長笛江梅千片落
清樽海月一痕生虞卿不少耽書累仲孺空多使酒名
屈指春光將爛漫留君且住闔閭城

遊西山舟中作

春風郭外柳條斜，迴合青山在水涯。
溪淺僅容遊妓舫，雲深偏隱列仙家。
大堤初綠王孫草，細雨纔紅杏子花。
司馬不將衫袖濕，芳郊載酒聽琵琶。

奉寄瑤泉申學士二首

供奉班中第一人，蓬萊闕下掌絲綸。
乾坤奕運方逢午，河嶽昌期又誕申。
暫以金甌藏姓字，久將魚水擬君臣。
滄江空自風濤急，舟楫商家已更新。

睽違赤舄已三年佇聽黃麻早晚宣抗疏匡衡吾道重
明經張禹主恩偏袞龍近接星辰上翰藻常題日月邊
公等論思邊鄙事可容李廣卧藍田

初春與客集虎丘

壺觴新歲倍含情却喜青山最近城草凍經臺方起色
冰消劒壑不聞聲客從楚國携春雪妓按梁州送早鶯
莫訝頻遊題字少古來吏隱本無名

飲謝氏西樓

高樓細雨尚吹寒黃柳垂條映碧湍蠟屐汝饒容易辦
鷗冠吾老不須彈大都山水情難負別有鶯花興未闌
翻笑向禽忘舊約至今蓬累各槃跚

弇山堂贈殷無美

邂逅扶風絳帳前華顛豈為一經傳顏瓢獨掛常浮白
孔壁窮探更草玄殘雪未消誰攬轡春潮欲上恰回船
三年已遂飛鳴志尚爾逡巡婁水邊

寄吳京兆

別來踪跡幾沉浮老大猶含胯下羞吳市不容門卒隱
燕京可許酒人遊雲垂碣石停衣上月出蓬萊近馬頭
京兆畫眉休太直世情今喜曲如鉤

過王氏越溪莊

飛花片片被蒼苔五柳毵毵處士栽半壁夕陽山雨歇
一庭芳草水禽來蘭亭不是他家物竹徑元因我輩開
潦倒忘歸恒信宿月明扶醉幾登臺

同謝都尉玄妙觀賞月

仙都宮殿碧氤氲萬里清暉散五雲
壇樹似連鵲觀洞簫如引鳳凰羣
珠光錯落翻杯影斗柄昭回射劍文
豈是庾公長嘯後望中牛女淨妖氛

贈閩帥

十載登壇未二毛將軍勞苦自功高
列營曾按先驅轡下瀨嘗投後飲醪
肘畔累累元鵲化轅中矯矯是烏號
尉佗魁結猶南國莫使塵埃蔽寶刀

贈越僧

飛錫常携海上霞
萬松深處挂袈裟
孤雲寄跡元無住
流水將心未有涯
文字不曾離貝葉
因緣還出在蓮花
來時一葦輕千里
何似吾家博望槎

渡江訪朱在明

萬里江流到海門
片帆天際識孤村
夕陽潮落山微露
遠浦雲歸樹半昏
但種桃花疑避世
却留明月共開樽
朱家季布千年事
握手燈前重細論

與在明宿金山寺

暮雲過寺覆薜蘿
遠樹層巒忽有無
繡佛轉輪江是錦
龍宮生白月疑珠
空山激浪僧寮動
舊社傳燈客影孤
信宿暫酬丘壑賞
阮生今已在窮途

越溪逢袁生飲

范蠡湖邊一棹回
偶逢袁紹最深杯
浮萍散雨涼風至
高樹排雲明月來
浮白且謀今夜醉
棲鳥不問故宮哀
相將共選溪頭石
乍可披裘作釣臺

江上遇蔡都尉

同是窮途歎數奇
鷗冠凋敝不勝悲
孤蓬夜雨天涯淚
老驥秋風塞外思
去國一身渾似夢
歸家雙鬢各成絲
長安記得相逢日
正是桃花飲馬時

秋日感懷二首

秋風落葉滿柴關
肘後垂楊若可攀
千里名駒無妾換
六鈞強弩有兒彎
沽來醇酎堪濡首
吟得新詩便解顏
海內故人書乍報
却嫌猶未買青山

泣玉投珠道路傍
歸來我馬日玄黃
蒯緱尚戀青袍短

崔弁難禁白髮長元亮官卑辭亦可曼容祿薄奪何妨
羣言銷骨良堪恨但醉如泥却又忘

同弇山公集王太史尊人宅

曲旃新立錦屏開霽色花香散水隈但識高堂稱萬石
不知夾道有三槐朱扉夜奏雲和瑟紫氣春浮沆瀣杯
家食未曾空五鼎寄來甘旨是鹽梅

同趙敬南京口遊桃李園作

春風江上麗人多酒氣花香暖自和迴合朱方皆鷺嶺

氤氲赤水盡鯨波何嫌樹密藏樓閣却愛花穠照綺羅
扶醉不歸城郭去武陵漁棹一相過

遇客

菰蘆握手笑稱雄草綠吳山一畝宮夜雨忽添泉溜下
春風猶散鳥言中巾從栗里時時濕甑在萊蕪日日空
豈是敬通孤立意孝標今已擬三同

宿采雲庵

蕭條蘭若閉關深有地何須問布金落盡林花空色相

不鳴山鳥定禪心
峯陰直下窺虛牖
松籟遲迴度遠岑
一榻維摩忘去住
浮生無古亦無今

贈建平潘子會

潘郎星鬢尚朱顏
為卜郊居已賦閒
爾汝孔融多綠酒
比鄰謝眺有青山
濯纓水上遊魚過
高枕花間宿鳥還
敢向宦途論巧拙
清時唯有閉柴關

偶述二首

鷗冠凋敝亦何求
蓬累那堪憶壯遊
函谷風烟存趙壁

中原星斗散吳鉤淮陰自乏資身策越石今為繞指柔
莫訝唾壺頻擊碎秋風驥老不勝愁

大鵬何意九霄搏且學鷦鷯善避丸縱謂置身高處易
亦知行路古來難計然不惜千金失苟變誰憐二卵殘
薄祿主恩常自給高堂無恙勸加餐

寄王敬美參伯於南康分署時長公開府鄖中

十載承明侍帝傍一麾出守意難忘少微只合居星子
太白誰教到夜郎署對匡山看瀑布縣鄰彭澤好飛觴

亦知春草天涯綠客夢先應入楚鄉

送潘孟喬北上

仙郎已擅無雙美公子偏能與四齊最是鸛鸛裘易解
漫言鸚鵡賦難題露桃無語行杯促烟柳含顰拂棹低
戀別不須愁日暮武陵洞口路常迷

月夜普賢寺

高卧禪家白板扉深林落木鳥言稀山中孤月寒相照
海上浮雲夜不飛澗樹盡含清露濕巖房猶揜慧燈微

遠公未許開尊榼聊借蒲團擁褐衣

京口觀競渡

鮫宮沸浪水綃濕鼉鼓鳴雷錦纜開遊妓共隨青雀去
仙人盡駕赤鯨來奔濤截浦花爭湧奪將爭標鷁亂回
千載楚魂招不返異鄉隨俗一銜杯

李明府以覃恩進秩有贈

山林赤芾自輝煌五馬紛紜賀草堂此貴不曾由趙孟
一身終許傲羲皇清時雨露偏丘壑白首鶯花隔廟廊

為語昔遊琴酒伴大夫元是舊行藏

葉茂長過訪因懷顧願甫

春風忽枉故人車黃鳥嚶嚶慰索居
遊屐漫遺禽子夏酒壚偏遲馬相如
浩歌白石孤調世高枕青山共著書
獨憶江干采芳客朱門何處曳長裾

弇山堂與王仲德飲長公有作率爾奉同

行觴促席恐蹉跎未暇燈前嘯也歌
茂世百船聊爾耳巨源八斗竟如何
相當總謂情俱勝自放元因禮不苛

試問兕觥飛盡處較來誰少一籌多

同功甫豹孫遊定慧仁壽二寺

茂苑千門楊柳新招提啼鳥遲幽人鉢衣香拂春生座
寶塔燈聯夜照鄰聚散一城俱是幻往來雙寺總無因
亦知住世緣猶在花月能迷靜者身

同叔寶子念遊薦福治平諸寺

吳閭草色又新年郭外清溪野寺連林積梅花明似雪
水含孤嶼淡如烟僧閒解弄桓伊笛吏隱偏歸范蠡船

不醉青山良自惜向來白髮已盈顛

春遊二首

無奈紅英攪綠塵借君長袖拂綸巾
桃花倚醉風前笑楊柳含情雨後顰
促柱善彈秦地曲細腰偏學楚宮人
東鄰舊識金吾士不惜銀罌送酒頻

大堤閒控紫驂駒片片飛英出畫樓
白練盡題班女賦綠樽偏滌馬卿愁
峰非回雁難通信路是桃源好放舟
聽徹琵琶不成寐故鄉猶恐似江州

訪曹子念

短棹東行百里遙
茅齋依舊草蕭蕭
家鄰滄海多明月
客醉桃花失夜潮
攬鏡偶然同土木
擇枝久矣各鷺鷥
曹丘自昔空遊譽
張翰於今懶折腰

湖上逢沈君典太史

載酒湖山興易乘
菰蘆誰識秘書丞
峯頭初月迎船出
水上明霞遶座凝
鳳德未衰無可誚
龍門猶在願先登
不知太史公何意
偏是交遊重李陵

奉寄印川大司空於濟上

誕甫生申事豈誣玄熊今已奠神都八年再見胼胝未
一食重為吐哺無雅樂宣房雲窈窕衰衣濟水錦模糊
何知拙宦星星鬢却向麒麟入畫圖

初夏偶成二首

茅齋水上絕塵埃薄雨輕雲去復回高柳拂堤鶯語歇
短蒲搖渚燕飛來楚人乍剪荷衣就班女初題紈扇開
自是倦遊身若寄祇看清晝卧蒿萊

一室那堪字隱居十年踪跡混樵漁幽篁遺籜妨投履
叢桂成陰好曳裾綠水遊魚花落後青天歸鳥月明初
北窓半卷南華在不是劉安枕畔書

孟夏赴友人春遊之約

綠暗林香拂水湄朱明晴旭照葳蕤纔過戴勝鳴桑日
正及含桃薦廟時淇澳園中啼睨睨洛陽花下奏參差
芳菲留待供歡賞不負春前折簡期

七夕集友人園亭

林亭雨過夜生涼楊柳池邊菡萏香艷曲從風金作縷
深杯映月玉為漿長裾客子猶蠻舞短髮王官自楚狂
浪說天孫人乞巧潘郎垂老拙何妨

庭桂盛開獨酌偶成

草堂叢桂謁清陰忽漫枝頭盡布金大樹幾年勞夢寐
小山今日費招尋未教為楫凌波去且釀成漿帶月斟
自是故園堪偃蹇布袍寧厭晚香侵

飲山家值雪

茅茨伏臘故人情崦曲遙看一棹迎竹樹有聲風不定
村橋無路雪初平桑麻楚楚田家具雞黍欣欣歲事成
厭說四方糊口計願言從爾鹿門耕

客至

當年結客幾人存野外停驂落日昏
睥睨位高蘇季子浮沉宦薄竇王孫
鎡基不若乘時雨刺繡何如倚市門
任是風雲多變態故人相見且開樽

抱病

抱病逢秋感慨增
空庭莫莫蔓枯藤
商歌白石憑誰和
舊業青門忝世承
大澤短衣聊射虎
荒臺長嘯漫呼鷹
一官心薄真如棄
落魄人間任愛憎

金陵山寺詩八首

報恩寺

燕邨龍飛答上玄
鼎新寧數赤烏年
鳳城寶氣雲俱瑞
雁塔珠光月並圓
不盡烟花連萬井
儼然宮闕麗諸天
真如豈易同灰劫
佛日皇圖共永綿

雨花臺

佛宇禪扉映晚霞青山迴合大堤斜似將高座臺邊雨
散作長干市上花綺繡道傍公子騎歌鐘雲外列侯家
繁華豈是今猶昔月露前朝幾劫沙

靈谷寺

十里長松入杳冥殿前功德水泠泠氣因定鼎千林紫
山託傳燈萬古青羣鹿避人過隧道寒花迎客媚空庭
草堂蕙帳今餘幾笑誦楣間舊勒銘

觀音閣

帝里梅檀香滿林更開慈閣大江潯獻花鸚鵡當窓入
把月蛟龍遶座吟草樹盡為華鬢色波濤猶作海潮音
亦知閩水同觀世泡影浮湛自古今

栖霞寺

徵君栖霞處莽雲烟萬頃澄江列岫連巖佛刻成疑是繡
香泉湧出遍生蓮南朝古剎開三界西域高僧隱四禪
縱為攝山多異草須從覺路覓真詮

天界寺

春明門外梵王家香室經臺護絳紗禮罷金仙新鑄像
供將鹿女乍銜花孤雲寂寂窺禪定馴鴿栖栖聽法華
方丈自能容卓錫何須世外有恒沙

牛首山

白雲梯上好支筇縹緲雙峯路幾重寶宇覆巖巢翡翠
琳宮緣岫嵌芙蓉浮圖巧入僧寮影麋鹿閒尋野客蹤
幸藉維摩遺半榻靜聽松外曉堂鐘

祖堂寺

東都門外亂山稠
野寺松筠一徑幽
萬壑峰陰連夕照
半林春雨散平疇
蓮花昔湧黃金地
貝葉今藏白玉樓
見說融師端習懶
也知中散便能留

北遊詩二十一首

清河即事

巨浸波濤豈易憑
每因沮洳見丘陵
不堪井邑頻移改
耐可河隄善潰崩
淮水九秋仍未減
楚人三戶竟無增

艇符輾轉王程急愁絕孤舟風雨凌

舟中偶成

關河滿棹白蘋風楚客離羣任轉蓬驟雨灑空寧避日
輕雷過水却生虹羈栖未暇投蓮社偃蹇誰招入桂叢
縱是尊鱸歸思切步兵無計卧江東

立秋

蟬聲嗚咽柳陰殘節序驚心強自寬把盞滄江忘日暮
濕衣清露動宵寒涼風漢苑悲團扇明月湘臯泣紫蘭

最是關河搖落易天涯無奈欲歸難

沛中有感

一區湯沐曾無邑千古歌風尚有臺
泗水不知亭已改碣雲猶與客俱來
孤城落日河流急遠戍霜催雁影回
遊子不忘豐沛意至今偏動故鄉哀

舟中留客

西望長安路尚賒關河漂泊賦兼葭
片雲將雨歸林急雙燕迎風度水斜
賸有琴樽淹客座豈堪舟楫老年華

故人握手鄉園淚猶問東陵五色瓜

大雨即事呈同事諸君

浮槎千里逐浮萍雷雨空江徹夜鳴鵬鷃逍遙堪自失
龍蛇夭矯亦須驚牀頭虹色芙蓉匣海上鯨波驃騎營
舟楫商家元不乏兔置公等自干城

清郡與鄭中伯夜坐

短筇相過話燈前屈指漂零第幾年落葉一庭霜滿地
清砧萬井月中天孔融意氣存張儉杜甫交遊老鄭虔

何事傾尊不成醉異鄉頭白各淒然

寄王和甫

秋入船窓夜氣涼白雲如霧濕衣裳
亂螢過水添星影高樹遮山逗月光
季子無金空作客長卿多病且還鄉
十年扣角心同苦寄爾商歌怨更長

九日

孤舟何處逢佳節淮有三洲半草萊
鄉國弟兄鴻雁信客途風雨菊花杯
空囊自覺長安遠明鏡何須短鬢催

却憶故園年少事壺觴戲馬月中回

送劉生

邊鴻朔雪年年見漕檄軍書日日聞
潦倒西遊繻未棄倉皇東走袂難分
獲麟渡口飛黃葉戲馬臺前起暮雲
回首壯圖消欲盡可堪孤棹送劉蕢

旅寓鄰婦故倡也悉其平生偶述

儼然高髻楚人妝一曲新聲總斷腸
少弟蒙恩為協律狂夫被遣出平羌
借來燕壘危難住種得蓮房老亦香

鸞鏡曉臨無限恨且將心事問徐娘

長安逢塞上班師友人有作漫和

盛秋邊騎若雲屯奏捷飛書入雁門
浪說單于刑白馬羞稱公主嫁烏孫
班師節鉞歸三殿歟塞旌旗過五原
幕府獻功方飲至換成饒曲侑金樽

旅中逢故人飲

關河水雪滯征輪邂逅窮交白髮新
學劍學書吾少賤種瓜種豆爾長貧
縱輸黃鵠能遺世尚賴青山不負人

岐路一樽何必盡待歸長醉五湖濱

送李都尉出塞

白馬翩翩出羽林隴西都尉二毛侵
剖符未得君王命
推轂先勤主帥心
朝散黃金酬死戰
夕飛赤羽報生擒
匈奴已滅邊烽息
無奈雙龍夜夜吟

北河訪客

關河風浪雨冥冥
上瀨褰裳過野亭
芳草盡遺三輔綠
斷雲常接太行青
酒人昨日逢燕市
賈客何時下洞庭

岐路一樽生感慨望中明滅少微星

送客得友人書

天涯芳草暮雲橫握手青樽此日情
榻並南州徐孺子書傳東海魯先生
花間宿霧常疑雨樹外平岡宛似城
楚地故人秦地別古來踪跡本浮萍

旅懷

長安日日賦歸歟何事窮秋尚索居
和氏慢藏懷裏璧劉生悞讀枕中書
骨留燕市元非駿缺動商歌不為魚

朔雪隴雲飛不盡夢魂愁絕獨驅車

過淮

羈棲鞅掌不堪論日罄壚頭酒一尊
淮府於今辭相國楚宮聊復酹王孫
蘋花明月迎歸棹楊柳秋風過里門
漁父江潭如訊問故園猶幸釣磯存

江上逢客遂為金焦之遊

旅泊因成汗漫遊淮南芳草遍汀洲
窮途不向青山泣竄跡言尋白社投
一棹木蘭江似帶半瓢竹葉月如鉤

卜居未得從詹尹避世真堪遇許由


泊舟

高秋去國獨興哀漂泊孤舟向水隈
雲識山空朝不散潮知河淺夜能來
微茫樹影千帆落迢遞江聲一雁回
貢禹鵷冠猶在首王陽書札可曾開

還家

十年憔悴一青袍何事還家尚佩刀
故國涼風吹燕雀高城落日下蓬蒿
空廬抱影無三窟愁鬢經秋有二毛

最是生平耽綠酒陳卿常謫是西曹



伐檀齋集卷九

欽定四庫全書

集部
伐檀齋集

卷十二
贈答詩

詳校官監察御史臣陳化龍

侍讀臣孫球覆勘

總校官進士臣朱鈐

校對官中書臣高中

謄錄監生臣宋國璜

欽定四庫全書

伐檀齋集卷十

明 張元凱 撰

五言絕句

齋居雜詠二十首

舉頭望白雲
頰首看流水
古之東郭生
悟彼北宮子
蕉鹿遺大野
木雞在深林
山月直入室
松風與披襟
世及乘朱輪
賞延端章甫
稍曾事貴游
爰居聽鐘鼓

日暮臨高臺心在歸鳥邊明月出滄海白雲流青天
區中多畏塗覺覺靡年載方爾相啣濡悠然問江海
高鳥凌青漢鼯鼠穴神丘還將齊物意且作逍遙游
再生宋人犢復失塞翁馬天道誠悠悠是難測識者
顛越全於酒困窮樂吾天不材山之木婆娑永其年
嘉樹蔭吾廬涼風吹絺綌久甘守太玄莫與辯堅白
乘杯不渡海且注竹葉春自是無心者空為有髮人
三春秀紫芝九秋飛黃鵠川上忽坐忘不聞虛舟觸

幽棲巢林樾時出濯滄浪興到呼李白愁來命杜康
好學無聞焉佳兵吾衰矣且樂榮啓期不羨魯施氏
池中寒水澌原上春草生用心如明鏡不將亦不迎
清樽泛流霞一室生虛白鵝雛栖高梧空以腐鼠嚇
蓬蒿張仲宅羅雀翟公門五斗自帶礪八口聊饔飧
智囊徒自役龍斷亦何有臨流無桔槔吾慕漢陰叟
綠水濯吾足青山挂吾瓢童子衣荷葉柳下來承蜩
草木鵲之居朝夕穀以食啍啍四十年夢夢如一息

雨濕藕花渚風吹芙蓉裳因看山梁雉亡却沙丘羊

長安道四首

二月桃始華千門柳初綠飲酒青樓間望見黃金屋
羽林期門兒下直誇閭里昨朝旄仗下肅慎貢楛矢
朝出春明門青山夾馳道流水公子車如茵王孫草
年少霍家奴橫行紫騮馬道逢五侯來揚鞭不肯下

古意四首

君從薊北回遺我軒轅鏡但照心異同不照容衰盛

君從日南回遺我雙翡翠口中銜明珠疑是相思淚
君從荆土回遺我連環玦不渝堅貞心難解綢繆結
君從蜀江回遺我一端錦鴛鴦穿芙蓉飛上合歡枕

大堤曲二首

女郎盈大堤羅袖翻全足春風易醉人俱作桃花色
迎風亂雲鬟拾翠露纖手蘭橈柳下來遙認印之友

春江花月夜二首

金卮濕花露羅袖留春雲冶容月同皎微詞人莫聞

條風動芳樹素月流金波陽春宋玉和子夜秦青歌

相逢行二首

相逢游俠伴大醉柳市南李布止一諾生平無二三
相逢大堤上美人花不如却笑陳孟公夜行藩其車

自君之出矣二首

自君之出矣日日理亂絲絲已織成綺君歸尚無期
自君之出矣夜夜望明河河水隔牛女不得常相過

青樓曲

妾本長干籍來住夫差城巷多惡年少不敢彈鳴箏

少年行

狐白解與人黃金已孤注獨有雙吳鉤未敢輕輸去

覽鏡二首

匣中有古鏡清光如明月昔照我朱顏今照我白髮
白髮生今年綠酒且今夕每有憂生嗟豈為勲業惜

山居二首

草閣抱明月碧砌散流水門掩鹿不來風吹落松子

披拂桃花風獨往孤雲意山中久忘言寄客無文字

過酒家二首

繫馬大道傍獨對高城坐東風吹門開門外乘軒過
楚楚黃公壚酒深不可揭昨醉阮嗣宗今醉畢茂世

江樓二首

綠窓開雲中青壁凌江沚髣髴翡翠屏照耀明光綺
江帆留不住美人在天涯高樓日暮心腸斷芙蓉花

獨坐

孤亭散玄草獨坐對青樽啼鳥留在徑落花飛出門

暮春

吾適點也志暮春春服成遲迴綠柳下載聽黃鳥鳴

留客

對客共小飲閱世成大噓且噉景升牛莫舞羊公鶴

秋夜

秋深未除架庭草淒以多涼風忽吹墮蜻蛚與飛蛾

江亭夜月送客二首

月出大江白山近高城青我歸掩蓬蓽君去逐浮萍
津亭黯然別蘆葦風蕭蕭舟中有明月庶幾慰寂寥

吳趨謠十二首

旭日照金閨九衢散晴綺繡縠雕盤餐佻佻賈人子
醵飲市珍羞主進要王謝千錢坐堂上不滿坐堂下
夫婿咸陽商家住閭門右千金買明珠照耀翡翠首
吾土本清嘉月旦近囂囂販夫弄文墨豎子賡歌謠
少婦顏如花居肆日中貿金錢投錦囊牙籌籠翠袖

吳兒織吳錦新機索高價絢綵畫不成儼然奪造化
來往伯通橋生長泰伯里貧賤人棄焉富貴驕人耳
綺幔碧油航士女炫新妝拾翠青山側采芳綠水傍
士卒籌米鹽衛尉羈文法巷有專諸墓里無干將匣
晨出逢宋朝暮歸見祝鮀勢位成泰岱意氣隨清波
輕裘白晢郎翩躚濠上渡青樓臨杏花卷幔要郎住
醉擁三婦豔富潤十畝宮獨有草玄客不謁陶朱公

漕船曲十首

渚靜芙蕖開波動鴛鴦起黃頭白足兒雙雙浴清泚
人家住草莽暮烟青迢如沙岸無古木河渾多大魚
越女立吳船容嬌髻欲墮回首不見儂將腰輕轉柁
招招問舟子船是江南不以我木棉花換爾金閨酒
亂山對輿梁積水閉上閘小史唱短籌長年曬舊袖
淮陰惡年少刺船能挽強但恨難行處不在青樓傍
漕渠十二率約束樓船新朱衣挂金節綠酒映玉人
青徐水道倡吳楚漕艘客年年綢繆期偏近女牛夕

意氣爭官河赴赴輕迺公恒有脫死士藏活為船傭
官米不直錢私酒不待價醉尉擁燕姬公然坐柳下

采芳園六詠

栖雲室

竹樹瀟湘聲華館巖壑意夜不下朱簾為有雲來去

塞芳亭

白露零木蘭清沚浮菡萏衆芳何繽紛朝塞與夕攬

桃李軒

金
卷十
黃鳥鳴嚶嚶芳園開桃李美人期不來春風吹綠水

聽溜石

深山一夜雨白虹走青壁欲聽松下泉且枕溪頭石

雨花菴

精室非招提繡佛何然有天花座上飛為問染衣不

芙蓉堤

芙蓉出秋水盈盈好顏色欲采無輕舟夕陽空佇立

江離館六詠

松齋

潜虬立幽徑偃蹇老蒼鬣不受秦人封祇賞朱家俠

筠房

瀟湘片雲飛洞房綠如染夫君不遠游枝間無淚點

月榭

遙空獨鳥還松際孤雲沒呼彼謫仙人同問青天月

眺臺

白日隱天末高臺凌雲間縹緲何所見海中三神山

石塢

片帆馬沙渡
髣髴牛渚側
江光漾雲根
窓間常五色

鶴院

所適跬步間
稍寬樊籠下
院處詎云榮
古有乘軒者

雲棲館六詠

清玄齋

主人楊子雲
草閣搜奇字
清暉照寂寥
流水澹無事

獨倚樓

高樓愁獨倚薄暮羅衣寒
瑩篴彈不盡明月半闌干

宿雲洞

洞裏白雲臺洞口紫絲障
朝來掃落花春雲在衣上

夕陽亭

蟬蛸莫敢指朝隤不可攀
閒門閉秋草獨對夕陽山

玉虬峯

一片玉玲瓏坐見生雲霧
潛虬媚靈姿居然在庭戶

松月臺

秋月照孤松亭亭自高潔深夜凝露華枝頭生蒼雪

石湖草堂對雨四首

湖侵林色白雨濕竹光寒水鳥已忘機飛來立闌干
驟來泉瀑亂暫歇雲流青鐘磬晝不響空山自泠泠
雨深竹葉盞山靜蓮花禪能容陶令醉愈覺遠公賢
爐烟凝不散礪水清且流三日五湖雨一洗千山秋

解印作二首

肘後虎符失匣裏龍劒存猶堪淬礪之沙場報君恩

世為萬夫長而無擔石儲未曾負肝膽且暫甘樵漁

辭漕作二首

司徒昔推轂駕車憚遠征揣摩失蘇季窮愁自虞卿
未種陶潛柳且賣邵陵瓜燕山無秦岱淮水多含沙

秋夜思友

琴尊久寂寞常憶故人驩不待飛霜雪靡蕪此夕寒

夏日山中

藤蘿蔽日月一室翠生寒科頭立松下飛瀑來巖端

靜夜對月有懷故人

朔鴈來高天山桂落清夜所思萬里人只在明月下

與客竹下分得深字

白雲留不住翠靄飛自深美人瀟湘來與之彈素琴

伐檀齋集卷十